

*Bin cera conoci cu e Plan pa
Hubentud di tur e partidonan*

‘Youth Election Summit 2013’ organisa pa Parlamento Hubenil

ORANJESTAD -- Fundacion
Parlamento Hubenil ta organ-
izando un biaha mas e ‘Youth
Election Summit 2013’ cu lo
tuma luga 12 September 2013

na Cas di Cultura. E evento lo
cuminsa exactamente pa 3or
di atardi te cu 7or di anochi
y entrada lo ta completamente
gratis.



Mirando cu nos pais ta den
un aña sumamente impor-
tante, cual ta e eleccion di
representantenan di pueblo di
Aruba, Parlamento Hubenil
Aruba ta organisando un de-
bate entre e partidonan politi-
conan. Como un organisacion
representante di e hubentud
di Aruba, ta importante pa
por brinda nos hubentud y
comunidad en general mas
informacion posibel tocante e
plannan di e partidonan cu ta
participa pa e siguiente elec-
cion. Actualmente e funda-

cion ta tumando contacto cu e
diferente partidonan pa asina
por anuncia den e transcurso
di e siman ken(nan) lo ta e
personanan cu lo representa
nan partido den e ‘Youth
Election Summit 2013’.

E meta principal cu
Parlamento Hubenil kier
logra ta pa e hobennan haci
nan voto conscientemente y
basa ariba nan propio opin-
ion. Pa hobennan sa e impor-
tancia y e balor di nan voto y
pa conscientisa e hobennan
ariba e aspectonan cu tin im-

pacto ariba nos pais Aruba y
pa nan futuro.

Ta sumamente importante
pa remarca cu Fundacion
Parlamento Hubenil ta un
organisacion cu ta sostiene
derecho ariba participacion
y e derecho di expresion di
opinion propio di e hobennan
di Aruba. Pa mas informacion
tocante nos organisacion of
evento por tuma contacto cu
nos via youthparliamentaruba@gmail.com of na nos number
di telefon (+297)588-6860 y
583-8856 □